

四庫全書薈要

• 乾隆御覽本

經部

欽定四庫全書薈要

經部

左傳注疏卷四十八

詳校官原任侍講臣王鴻緒



春秋左傳注疏卷四十八

起昭公十七年盡十九年

晉杜氏注

唐陸德明音義

孔穎達疏

經十有七年春小邾子來朝

夏六月甲戌朔日有食之

秋邾子來朝

八月晉荀吳帥師滅陸渾之戎音義

渾戶門反

冬有星孛于大辰注大辰房心尾也妖變非常故書音

義字音佩疏注正義曰釋天云大辰房心尾也大辰蒼龍宿之體最為明

故曰房心尾也大辰蒼龍宿心以候四時故曰辰孫炎曰龍星明者以為時候故曰大辰大火也心在中最明

故時候主焉公羊傳曰字者何彗星也彗為帚也言其狀似帚第光芒字字然妖變之星非常所有故書之傳

稱字于大辰西經直書于大辰者雖在其星之西仍在大辰分度之內故直云于大辰

楚人及吳戰于長岸注吳楚兩敗莫肯告負故但書戰

而不書敗也長岸楚地音義岸五疏注正義曰傳稱大

楚師是兩皆大敗也縱使兩皆來告無肯自云負敗者故但書戰而不書敗也傳稱令尹陽句則是楚之責臣

而云楚人者楚人耻其敗以賤者告也

傳十七年春小邾穆公來朝公與之燕季平子賦采

叔注采叔詩小雅取其君子來朝何錫子之以穆公

喻君子疏

正義曰采叔刺幽王慢諸侯也云采叔采

之路車乘馬注云賜諸侯以穆公賦菁菁者莪注菁

菁者莪亦詩小雅取其既見君子樂且有儀以答采

叔音義

菁子丁反莪五

疏

正義曰菁菁者莪云既見

者官爵之而得見也見則昭子曰不有以國其能久

心既喜樂又以禮儀見接

乎注嘉其能答賦言其賢故能久有國疏

正義曰言

之人以治其國能長久乎

○夏六月甲戌朔日有食之祝史請所

用幣注禮正陽之月日食當用幣於社故請之疏注

義曰陰陽之氣運行於天一消一息周而復始十一月建子為陽始五月建午為陰始以易爻卦言之從建子之後每月一陽息一陰消至四月建巳六陰消盡六陽並盛是為純乾之卦正陽之月也從建午之後每月一陰息一陽消至十月建亥六陽消盡六陰並盛是為純坤之卦正陰之月也此年六月日食是夏之四月正陽之月也禮正陽之月日食諸侯當用幣於社故魯之祝史依禮法請所用之幣

昭子曰日有食之天子不舉注不舉盛饌音義饌仕春反伐鼓

於社注責羣陰諸侯用幣於社注謂上公伐鼓於朝

注退自責禮也疏

正義曰昭子雖不言正月而云日食之禮明此月即是正月也文十

五年傳與此昭子之言正同是正法有此禮也殺牲盛饌曰舉故天子不舉謂去盛饌也郊特牲云社所以神地之道也祭土而主陰氣也則社是羣陰所聚論語云鳴鼓而攻之伐鼓者是攻責之事故為責羣陰亦以責上公也二十九年傳曰封為上公祀為貴神社稷五祀是尊是奉是社為上公之神尊於諸侯故諸侯用幣於社請上公亦所以請羣陰請令勿侵陽也然伐鼓於社云責羣陰用幣於社云請上公社文是一二注不同者以天子之尊無所不責故云責羣陰也諸侯南面之君於諸侯之內唯請上公故云請上公也

平子禦之注禦禁也音義

禦之魚自反注同

曰止也唯

正月朔慝未作日有食之於是乎有伐鼓用幣禮也

其餘則否太史曰在此月也注正月謂建巳正陽之月也於周為六月於夏為四月慝陰氣也四月純陽用事陰氣未動而侵陽災重故有伐鼓用幣之禮也

平子以為六月非正月故大史答言在此月也音義

正音政慝他得反夏戶雅疏正義曰平子聞有此禮反下文當夏注當夏並同疏而不知正月是周之六月故止其請幣仍說正禮慝惡也人情愛陽而惡陰故謂陰為慝五月陰始生故四月陰未作也平子亦不識慝為陰義故語雖得禮而心不肯從平子蓋以正月為歲首之月故云其餘則否大史以平子不識正月故為辨之所言慝未作所以行伐鼓用幣之禮正當在此月也因為說日食之禮引夏書以證之

日過分而未至注過春分而未夏至三辰有災注三

辰日月星也日月相侵又犯是宿故三辰皆為災音

義

宿音秀

於是乎百官降物注降物素服疏

注正義曰降物謂減

其物采也昏義曰日食則天子素服知百官降物亦素服也古之素服禮無明文蓋象朝服而用素為之如今之單衣也近世儀注日食則擊鼓於大社天子單衣介幘辟正殿坐東西堂百官白服坐本司大常率官屬繞大廟過時乃罷君不舉辟移時注辟正寢過日食時樂

奏鼓注伐鼓疏

正義曰樂奏鼓與下替奏鼓一也樂謂作樂之人即替矜也奏訓進也孔

安國尚書傳云替樂官樂官進鼓則伐之故杜云伐鼓也其日食王或有至社親伐鼓之時故周禮大僕

云凡軍旅田役贊王鼓救日月食亦如之鄭玄云祝王通鼓佐擊其餘面則日食王有親鼓之時也

用幣注用幣於社史用辭注用辭以自責故夏書曰

辰不集于房注逸書也集安也房舍也日月不安其

舍則食瞽奏鼓注瞽樂師音義瞽音鼓嗇夫馳庶人走

注車馬曰馳步曰走為救日食備也音義音色音疏正義

曰此尚書脩征文也彼云乃季秋月朔辰弗集于房彼季秋日食亦以此禮救之傳言唯正月朔日食乃有伐鼓用幣餘月則否引夏書而與夏書違者蓋先代尚質凡有日食皆用鼓幣周禮極文周家禮法見事有差降唯正陽之月特用鼓幣餘月則否注正義曰杜以鳥止謂之集故訓集為安也孔安國云房所

舍之次集合也不合則日食可知與杜少異杜以馳是馬疾行故云車馬曰馳步曰走孔安國云畜夫主幣之官馳取幣禮天神畜夫於周禮無文鄭注覲禮云畜夫蓋司空之屬也則官屬司空庶人在官若胥徒之屬使之取幣而禮天神也衆人走共救日食之百役也畜夫取幣未必馳車蓋馳走相對變其文耳言禮天神者謂天子禮傳無此月朔之謂也當夏四天子禮天神之事文不具

月是謂孟夏注言此六月當夏家之四月平子弗從

昭子退曰夫子將有異志不君君矣注安君之災故

曰有異志疏

正義曰日食陰侵陽臣侵君之象救日食所以助君抑臣也平子不肯救日食

乃是不君事其君也劉炫云乃是不復以君為君矣

○秋鄭子來朝公與之宴

昭子問焉曰少皞氏鳥名官何故也注少皞金天氏

黃帝之子己姓之祖也問何故以鳥名官音義

少詩照反

皞胡老反己

疏

注正義曰帝系云黃帝生玄囑也史記云黃帝正妃生二子其後皆有天

音紀又音祀

下其

一曰玄囑是為青陽降居江水言降居江水謂

不為帝也此傳言其以鳥名官則是為帝明矣故世

本及春秋緯皆言青陽即是少皞黃帝之子代黃帝

而有天下號曰金天氏

少皞氏身號金天氏代號也

晉語稱青陽與黃帝同德故為姬姓黃帝之子十四

人為十二姓其十二有姬有己青陽既為姬姓則己

姓非青陽之後而世本己姓出自少皞子曰吾祖也

皞非青陽也事遠書亡不可委悉耳

鄭子曰吾祖也

我知之昔者黃帝氏以雲紀故為雲師而雲名注黃

帝軒轅氏姬姓之祖也黃帝受命有雲瑞故以雲紀

事百官師長皆以雲為名號縉雲氏蓋其一官也音

義

長丁丈反
縉音進

疏

注正義曰史記云黃帝者少典之子名曰軒轅為天子代神農氏是為黃

帝晉語云黃帝以姬水成為姬姓是姬姓之祖也以少皞之立有鳳鳥之瑞而以鳥紀事黃帝以雲紀事明其初受天命有雲瑞也雲之為瑞未能審也史記天官書曰若煙非煙若雲非雲郁郁紛紛蕭索輪囷是謂卿雲或作慶雲或作景雲孝經援神契曰德至山陵則景雲出服虔云黃帝受命得景雲之瑞故以雲紀事黃帝雲瑞或當是景雲也百官師長皆以雲為名號即是以雲紀綱諸事也雲為官名更無所出唯文十八年傳云縉雲氏有不才子疑炎帝氏以火是黃帝時官故云縉雲氏蓋其一官也

紀故為火師而火名注炎帝神農氏姜姓之祖也亦

有火瑞以火紀事名百官疏

注正義曰帝系世本皆為炎帝即神農氏炎帝

身號神農代號也燕周考古史以為炎帝與神農各為一人非杜義晉語云炎帝以姜水成為姜姓是為姜姓之祖也火之為瑞亦未審也

共工氏以水紀故為水師而水名

注共工以諸侯霸有九州者在神農前大皞後亦受

水瑞以水名官音義

共音恭大音泰下大皞同

疏注正義曰共工氏霸有九州祭

法文也此傳從黃帝向上逆陳之知共工大皞氏以在神農前大皞後也水之為瑞亦未審也

龍紀故為龍師而龍名注大皞伏犧氏風姓之祖也

有龍瑞故以龍命官疏

注正義曰月令孟春云其帝大皞易下繫云包犧氏之王

天下也即大皞大皞身號伏羲代號也僖二十一年傳云任宿須句風姓也實司大皞知大皞是風姓之祖也龍之為瑞亦未審也此黃帝以上四代用火雲水龍紀事其官之名必用雲火水龍為之但書典散亡更無文紀其名不可復知故杜不復委說唯有緡雲見傳疑是黃帝官耳服虔云黃帝以雲名官蓋春官為青雲氏夏官為緡雲氏秋官為白雲氏冬官為黑雲氏中官為黃雲氏炎帝以火名官春官為大火夏官為鶉火秋官為西火冬官為北火中官為中火共工以水名官春官為東水夏官為南水秋官為西水冬官為北水中官為中水大皞以龍名官春官為青龍氏夏官為赤龍氏秋官為白龍氏冬官為黑龍氏中官為黃龍氏此皆事無所見苟出肺腸少皞鳥紀不以五方名官焉知彼四代者皆以四時五方名

官乎以緡為赤色則云夏官為緡雲焉知餘方不更為之目而直指青黃為名也以天文有大火鶉火即云春為大火夏為鶉火其餘何故直以西
北名火也此皆虛而不經故不可採用
我高祖少

皐摯之立也鳳鳥適至故紀於鳥為鳥師而鳥名鳳

鳥氏歷正也注鳳鳥知天時故以名歷正之官音義

至 摯音疏注正義曰釋鳥云鵠鳳其雌皇則此鳥雄曰鳳雌曰皇說文云鳳神鳥也山海經云丹穴

之山有鳥焉其狀如雞五采而文名曰鳳皇見則天下大安寧運斗樞云天樞德見則鳳皇翔中侯握河

紀云堯即政七十年鳳皇止庭伯禹拜曰昔帝軒提象鳳巢阿閣白虎通云黃帝時鳳皇蔽日而至止於

東園終身不去諸書皆言君有聖德鳳皇乃來是鳳皇知天時也歷正主治歷數正天時之官故名其官

為鳳鳥氏也當時名官直為鳥名而已其所職掌與後代名官所司事同所言厯正以下及司徒司寇工農之屬皆以後代之官所掌之事託言之言爾時鳥名如今之此官也

玄鳥氏司分者

也注玄鳥燕也以春分來秋分去音義

燕於反疏注正義曰

說文云燕玄鳥也釋鳥云燕燕郭璞曰詩云燕燕于飛一名玄鳥齊人呼鵲詩云天命玄鳥月令云玄鳥至之日是一名玄鳥也或單呼為燕或重名燕燕異方語也此鳥以春分來秋分去故以名官使之主

二分伯趙氏司至者也注伯趙伯勞也以夏至鳴冬至

止疏

注正義曰釋鳥云鵲伯勞也樊光曰春秋云伯趙氏司至伯趙鵲也以夏至來冬至去郭璞曰

似鵲鵲而大此鳥以夏至來冬至去故以名官使之主二至也月令仲夏之月鵲始鳴蔡邕云鵲伯勞也

一曰伯趙應時而鳴為陰候也詩云七月鳴鵙者鄭玄云鵙地晚寒鳥物之候從其氣焉王肅云七當為五古文五字似七故誤青鳥氏司啟者也注青鳥鵙也立

春鳴立夏止音義

鵙音倉鵙亦作鵙於諫反疏注正義曰青鳥鵙

傳說耳立春立夏謂之啟此鳥以立春鳴立夏止故以名官使之主立春立夏丹鳥氏司閉

者也注丹鳥驚雉也以立秋來立冬去入大水為蜃

上四鳥皆歷正之屬官音義

驚必滅反疏注正義曰蜃市軫反釋鳥雉之

類有驚雉樊光曰丹雉也少皞氏以鳥名官丹鳥氏司閉以立秋來立冬去入水為蜃周禮王享先公服鮮明是解丹鳥為驚雉也立秋立冬謂之閉此鳥以

驚冕郭璞曰似山鷄而小冠背毛黃腹下赤項綠色

秋來冬去故以名官使之主立秋立冬也分至啟閉立四官使主之鳳皇氏為之長故云四鳥皆歷正之屬官祝鳩氏司徒也注祝鳩鷦鷯也鷦鷯孝故為司

徒主教民音義

鷦音焦本又作焦本或疏注正義曰作鷦子遙反又子堯反釋鳥云佳

其鷦鷯舍人云佳一名夫不今楚鷦也樊先曰春秋云祝鳩氏司徒祝鳩即佳其夫不孝故為司徒郭璞

曰今鷦鷯也詩云翩翩者佳毛傳云鷦夫不也一宿

之鳥鄭玄云一宿者一意於其所宿之木又云夫不

鳥之慈謹者人皆愛之則此是謹慈孝鷦鷯氏司馬

順之鳥故名司徒之官教人使之孝也

鷦鷯氏司馬

也注鷦鷯王鷦也鷦而有別故為司馬主法制音義

鷦本又作雉七徐反鷦音至疏注正義曰釋鳥云鷦本又作鷽下同別故列反鷽注正義曰釋鳥云鷽

一名鴈鵠郭璞云鴈類今江東呼之為鴈好在江渚
山邊食魚毛詩傳曰鳥鵠而有別則鴈鵠是鵠擊之
鳥又能雄雌有別也司馬主兵又主法制擊伐鴈鵠
又當法制分明故以此鳥名官使主司馬之職鴈鵠

氏司空也注鴈鵠鴈鵠也鴈鵠平均故為司空平水

土音義

鴈本亦作桔簡八反又音疏注正義曰釋鳥
吉鴈本亦作鞠居六反云鴈鵠鴈鵠樊

光曰春秋云鴈鵠氏司空心平均故為司空郭璞曰
今之布穀也孫炎曰方言云鴈鵠自闕而東謂之戴
勝陸璣毛詩義疏云今梁宋之間謂布穀為鴈鵠則
布穀是鴈鵠明矣而揚雄云鴈鵠是戴勝也今戴勝
自生穴中不巢生雄言非也詩云鴈鵠在桑其子七
兮毛傳云鴈鵠之養其子朝從上下莫從下上平均
如一是鴈鵠平均故為司空尚書舜典云伯禹作司
空帝曰禹汝平水土惟時懋哉是司空主平水土也

爽鳩氏司寇也注爽鳩鷹也鷩故為司寇主盜賊音

義

爽所反

疏

注正義曰釋鳥云鷹鷩鳩樊光曰來鳩爽

鳩也春秋曰爽鳩氏司寇鷹鷩故為司寇

郭璞曰鷩當為爽字之誤耳左傳作爽鳩是

也鷹是鷩擊之鳥司寇主擊盜賊故為司寇骨鷩氏

司事也注鷩鳩鷩鷩也春來冬去故為司事音義

鷩

反又步留

疏

注正義曰釋鳥云鷩鳩鷩鷩舍人曰

交反又步留疏注正義曰釋鳥云鷩鳩鷩鷩舍人曰

反又音彫鷩鳩一名鷩鷩今之班鳩也樊光曰

春秋云鷩鳩氏司事春來冬去孫炎曰鷩鳩一名鳴

鳩月令云鳴鳩拂其羽郭璞云今江東亦呼為鷩鷩

似山鷩而小短尾青色多聲即是此也舊說及廣

雅皆云班鳩非也所論班鳩鳴鳩雖有異同其言春

來冬去舊有此說國家營事繕治器物一年之間無

時暫止故以此鳥名司事之官也司事謂營造之事

於六官皆屬司空此司空司事各為一官者古
今代異猶如舜典司空與共工各為一官也
五鳩

鳩民者也注鳩聚也治民上聚故以鳩為名疏注正

鳩聚釋詁文也治民上其集聚惡其
流散故以鳩為官名欲其聚散民也
五雉為五工正

注五雉雉有五種西方曰鷩雉東方曰鷦雉南方曰

翟雉北方曰鷩雉伊洛之南曰翬雉音義種章勇反

下同鷩音

存又音遵本或作蹲鷩側其反翟音狄又音疏注正

濁鷩本又作希如字一音丁里反翬許韋反疏注正

釋鳥雉之屬十有四其說四方之雉西方曰鷩東方

曰鷩南方曰鷩北方曰鷩舍人曰釋四方之雉名也

杜言四方之雉唯南方不同也釋鳥又云鷩山雉樊
光曰其羽可持而舞詩云右手秉翟郭璞云長尾者

爾雅之文翟與鬲別而賈逵亦云南方曰翟雉則先
儒相傳為說杜從之也釋鳥又云伊洛而南素質五
采皆備成章曰翟李巡曰素質五采備具文章鮮明
曰翟孫炎曰翟雉白質五采為文也傳言五雉必取
五方伊洛土之中區明其取翟雉與四方之雉為五
也賈逵云西方曰鷩雉攻木之工也東方曰鷩雉埴
埴之工也南方曰翟雉攻金之工也北方曰鷮雉攻
皮之工也伊洛而南曰翟雉設五色之工也樊光注
爾雅四方之雉配工亦與賈同唯翟雉不配工耳案
賈樊所言之工出於考工記耳而考工記更有刮摩
之工凡有六工非唯五也且記是後世之書少皞時
工未必如記所說又以工配雉無所憑據不可採用
故杜

利器用正度量夷民者也注夷平也音義

量音亮

疏正義曰雉聲近夷雉訓夷夷為平故以雉名工正
之官使其利便民之器用正丈尺之度斗斛之量

所以平均下民也樊光服虔云雉者夷也夷平也使度量器用平也九扈為九農正注

扈有九種也春扈鵠鴈夏扈竊玄秋扈竊藍冬扈竊

黃棘扈竊丹行扈喈喈宵扈嘖嘖桑扈竊脂老扈鷦

鷦以九扈為九農之號各隨其宜以教民事音義扈

戶鵠扶云反又如字鵠勅倫反喈側百疏注正義曰

反又子夜反又助額反嘖音責又音蹟釋鳥自春

扈鵠鴈至宵扈嘖嘖凡七扈其文相次與此注正同

李巡總釋之云諸扈別春夏秋冬四時之名喈喈嘖

嘖鳥聲貌也郭璞曰諸扈皆因其毛色音聲以為名

竊藍青色釋鳥又云鷦鷯老扈鵠桑扈竊脂注爾雅

者舍人李巡孫炎郭璞皆斷老上屬扈下屬鷦鷯為句以

一名鷦鷯老鷦一名扈扈雀也唯樊光斷鷦鷯為句以

老下屬注云春秋云九扈為九農正九扈者春扈夏
扈秋扈冬扈棘扈行扈宵扈桑扈老扈是以老為下
屬唯鵙不重耳李巡云竊脂一名桑扈郭璞曰俗謂
之青雀觜白食肉好盜脂膏因名云鄭玄詩箋云竊
脂肉食陸璣毛詩義疏云竊脂青雀也好竊人脯肉
及笥中膏故以名竊脂也諸儒說竊脂皆謂盜人脂
膏也即如此言竊玄竊黃者宜復盜竊玄黃乎爾雅
釋獸云虎竊毛謂之號貓鼯如小熊竊毛而黃竊毛
皆謂淺毛竊即古之淺字但此鳥其色不純竊玄淺
黑也竊藍淺青也竊黃淺黃也竊丹淺赤也四色皆
具則竊脂為淺白也其喈喈噴噴則聲音為之名矣
其春扈鵙鵙樊光云鵙鵙言分循也春扈分循五土
之宜乃以人事名鳥其義未必然也爾雅老扈鵙字
不重賈服皆云鵙鵙亦聲音為名也賈逵云春扈分
循相五土之宜趣民耕種者也夏扈竊玄趣民耘苗
者也秋扈竊藍趣民收斂者也冬扈竊黃趣民蓋藏

者也棘扈竊丹為果駟鳥者也行扈喈喈晝為民駟
鳥者也宵扈嘖嘖夜為農駟獸者也桑扈竊脂為蠶
駟雀者也老扈鷦鷯趣民收麥令不得晏起者也舍
人樊光注爾雅其言亦與賈同其意皆謂以扈為官
還令依此諸扈而動作也然則趣民耕耘及收斂蓋
藏其事可得召民使聚而總號令之其為果駟鳥為
蠶駟雀豈得多置官方使之就果樹入蠶室為民駟
之哉又晝駟鳥夜驅獸不免竟日通宵常在田野溥
天之下何以可周且其言不經難可據信也杜云以
九扈為九農之號各隨其宜以教民事以舊說不可
采用又不能知其
職掌故未言之

扈民無淫者也注扈止也止民使

不淫放自顓頊以來不能紀遠乃紀於近為民師而
命以民事則不能故也注顓頊氏代少皞者德不能

致遠瑞而以民事命官音義

顓音專項許玉反

疏

正義曰傳言少皞摯

之立也鳳鳥適至則鳳鳥以初立時至也因其初立而有此瑞鳥遂即以鳥紀事雲火水龍亦以初立而有此瑞用之以紀庶事自顓頊以來初立之時既無遠瑞不能紀以遠而乃紀於近天瑞遠民事近為民之師長而命其官以民仲尼聞之見於郊子而學之事則為不能致遠瑞故

注於是仲尼年二十八疏

注正義曰沈文阿云襄三十一一年注云仲尼年十歲

計至此年二十七今云二十八誤

既而告人曰吾聞之天子失官學

在四夷猶信注失官官不脩其職也傳云聖人無常

師疏

正義曰王肅云郊中國也故吳伐郊季文子歎曰中國不振旅蠻夷入伐吾亡無日矣孔子稱

學在四夷疾時學廢也鄭少皞之後以其世則遠以其國則小矣魯周公之後以其世則近以其國則大矣然其禮不如鄭故孔子發此言也失官為所居之官不脩其職也仲尼學樂於萇弘問官於鄭子是聖人無常師○晉侯使屠蒯如周請有事於雒與三塗注屠

蒯晉侯之膳宰也以忠諫見進雒雒水也三塗山名

在陸渾南音義蒯苦怪反萇弘謂劉子曰客容猛非

祭也其伐戎乎陸渾氏甚睦於楚必是故也君其備之乃警戎備注警戒以備戎也欲因晉以合勢音義

警音九月丁卯晉荀吳帥師涉自棘津注河津名使

祭史先用牲于雒陸渾人弗知師從之庚午遂滅陸渾數之以其貳於楚也陸渾子奔楚其衆奔甘鹿注甘鹿周地周大獲注先警戎備故獲宣子夢文公攜荀吳而授之陸渾故使穆子帥師獻俘于文宮注欲以應夢音義俘芳夫反應對之應○冬有星孛于大辰西及

漢注夏之八月辰星見在天漢西今孛星出辰西光

芒東及天漢音義

夏戶雅反下文疏注正義曰星孛同見賢遍反文在冬下經傳

皆無其月但冬以十月為初故以夏之八月解之也月令仲秋之月日在角昏牽牛中大辰是房心尾也

其星處於東方之時在角星之北故以八月之昏角
星與日俱沒大辰見於西方也天漢在箕斗之間於
是時天漢西南東北斜列於天大辰之星見在天漢
之西也今孛星又出於大辰之西而尾東指光芒歷
辰星而東申須曰彗所以除舊布新也注申須魯大
及天漢也

夫音義

彗似銳反又音息遂反

疏

正義曰彗埽帚也其形似彗故名焉帚所以埽去塵彗星

象之故所以除舊布新也言此星見必有除舊之事

天事恒象注天道恒以象

類告示人今除於火火出必布焉諸侯其有火災乎

注今火向伏故知當須火出乃布散為災音義

向許亮反

又作

梓慎曰往年吾見之是其徵也注徵始有形象

而微也火出而見注前年火出時音義見賢遍反下及注並同

今茲火出而章必火入而伏注隨火行也疏正義曰梓慎云

往年吾見之是其微也當時火出之時而彗星已見是隨火而行也今年火星之出而彗星章明是彗漸益長未即消滅必當火入之時與火俱伏也服虔注本火出而章必火火入而伏重火別句孫毓云賈氏舊文無其居火也久矣注歷二年其與不然乎注言重火字

必然也音義與如字又音預火出於夏為三月注謂昏見於

商為四月於周為五月夏數得天注得天正疏注正義曰

斗柄所指一歲十二月分為四時夏以建寅為正則斗柄東指為春南指為夏是為得天四時之正也若

殷周之正則不得正若火作其四國當之在宋衛陳鄭乎宋大

辰之虛也注大辰大火宋分野音義

虛起居反下疏同分扶問反

正義曰虛者舊居之處也陳為太皞之虛鄭為祝融之虛衛為顓頊之虛皆先王先公嘗居此地謂之虛可矣大辰星名非人居也而亦謂之虛者以天之十二次地之十二域大辰為大火之次是宋之區域故謂宋為大辰之虛陳大皞之虛也注大皞居陳木火猶謂晉地為參虛

所自出鄭祝融之虛也注祝融高辛氏之火正居鄭皆火房也注房舍也星孛天漢漢水祥也注天漢水也衛顓頊之虛也故為帝丘注衛今濮陽縣昔帝顓

項居之其城內有顓頊冢音義

漢音

其星為大水注

衛星營室營室水也水火之牡也注牡雄也音義

牡茂

后疏

正義曰獸曰牝牡牡是雄也陰陽之書有五行反嫁娶之法火畏水故以丁為壬妃是水為火之

雄

其以丙子若壬午作乎水火所以合也注丙午火

壬子水水火合而相薄水少而火多故水不勝火音

義

薄本又作搏音博

疏

注正義曰丙是火日午是火位壬是

水水火合而相薄則是夫妻合而相親親則將行其意或水從火或火從水但彗在大辰為多及漢為少

水少而火多故水不勝火火行其意水若火入而伏

必助之故此丙子壬午之日當有火災

必以壬午注尚未知今字星當復隨火星俱伏不故

言若音義

復扶又反

疏

正義曰劉炫云丙子壬午雖俱是水火合日但二字之內先言彊若

火入而伏則連秋至春歷夫陰水用事雖同其欲水當先火故疑火入而伏則必以壬午也劉炫雖為此釋杜既無注其壬午之事理則未詳不過其見之月注火見周之五月

鄭裨竈言於子產曰宋衛陳鄭將同日火若我用璿

斚玉璿鄭必不火注璿珪也斚玉爵也璿勺也欲以

攘火音義

裨婢支反璿古亂反斚古推反璿才旦反勺上若反攘本亦作攘如羊反下同疏

注正義曰璿是玉名此傳所云皆是成就之器故知璿是珪也斚是爵名玉字在斚璿之間知斚亦以玉

為之故云。瑱玉爵也。周禮典瑞云：裸圭有瓚。鄭司農云：於圭頭為器，可以挹鬯。裸祭謂之瓚。國語謂之鬯。瓚，鄭玄云：漢禮瓚，槃大五升，口徑八寸，下有槃，口徑一尺。考工記：玉人云：裸圭尺有二寸，有瓚以祀廟。鄭玄云：瓚如槃，其柄用圭，有流。前注鄭玄詩箋云：圭瓚之狀，以圭為柄，黃金為勺，青金為外，朱中央，是瓚為勺。其祭祀之器也。禋，竈欲用此三物以禋火。

子產弗與注以為天災流行

非禳所息故也。為明年宋衛陳鄭災傳。○吳伐楚陽

句為令尹卜戰不吉。注：陽句，穆王曾孫令尹子瑕音。

義句，古疏正義曰：陽句，心不決死戰，必殺將將死是害反。疏不吉也。司馬子魚志在必死，不以將死為

凶。故卜之得吉，敗吳之後，吳人敗之終是不吉。注正義曰：依世本，穆王生王子揚揚，生尹尹，生令尹句。

司馬子魚曰我得上流何故不吉注子魚公子魴也

順江而下易用勝敵音義

魴音房易以政反

且楚故司馬令

龜我請改卜令曰魴也以其屬死之楚師繼之尚大

克之吉注得吉兆戰于長岸子魚先死楚師繼之大

敗吳師獲其乘舟餘皇注餘皇舟名音義

乘如字又繩證反下

同使隨人與後至者守之環而塹之及泉注環周也

音義

環如字又音患塹七豔反

盈其隧炭陳以待命注隧出入道

音義

隧音遂下同炭叶旦反

疏

注正義曰守舟者雖環而塹之塹猶不合有出入之路故滿路

置火以防

吳公子光注光諸樊子闔廬音義

闔戶獵反廬力

居反

請於其衆曰喪先王之乘舟豈唯光之罪衆亦有

焉請藉取之以救死注藉衆之力以取舟音義

喪息浪反

衆許之使長鬣者三人注長鬣多髭鬚與吳人異形

狀詐為楚人音義

鬣力輒反髭子斯反鬚音須

潛伏於舟側曰我

呼餘皇則對師夜從之注師吳師也音義

呼呼路反又如字下

同三呼皆迭對注迭更也音義

迭待結反又音弟更音庚

楚人從

而殺之楚師亂吳人大敗之取餘皇以歸注傳言吳

光有謀

經十有八年春王正月曹伯須卒注未同盟而赴以名

夏五月壬午宋衛陳鄭災注來告故書天火曰災疏注

義曰傳稱皆來告火知是來告故書也春秋書他國之災皆是來告而書公羊傳曰宋衛陳鄭災何以書記異也何異爾異其同日而俱災外異不書此何以書為天下記異也穀梁亦云其志以同日也杜因此傳有來告之文故顯而異之天火曰災宣十六年傳例也

六月邾人入郕注郕國今琅邪開陽縣音義

郕音禹許慎郭璞皆

音矩國名琅音郎本亦作郎

秋葬曹平公

冬許遷于白羽注自葉遷也畏鄭而樂遷故以自遷為

文音義

葉始疏

注正義曰成十五年許遷于葉自是以

葉遷于夷也十三年傳曰楚之滅蔡也靈王遷許胡沈道房申於荆焉平王即位既封陳蔡而皆復之禮也注云荆荆山也滅蔡在十一年許又從夷遷于荆山平王復之復其本國許又歸於葉也故知此年遷于白羽是其自葉遷也且傳云葉在楚方城外之蔽明其欲遷之時許在葉也案傳王子勝言於楚子使之遷許則是楚人遷許非許自遷楚雖發意遷許亦畏鄭樂遷故以自遷為文若許不樂遷楚強遷之當云楚人遷許如宋人遷宿齊人遷陽之類不得云許遷于白羽其以自遷為文知許人自樂遷也

傳十八年春王二月乙卯周毛得殺毛伯過注毛伯

過周大夫得過之族音義

過古禾反

而代之注代居其位

疏

注正義曰毛氏世有采地為畿內之國於時天子微弱故自殺自代不能禁之

長弘曰毛

得必亡是昆吾稔之日也侈故之以注昆吾夏伯也

稔熟也侈惡積熟以乙卯日與桀同誅音義

稔直良反稔而

審反侈昌氏反又尸氏反夏戶雅反

而毛得以濟侈於王都不亡何待

注為二十六年毛伯奔楚傳疏

正義曰是乙卯者昆吾之君惡熟之日也

由其侈故以此日死也而毛得以此日成其侈惡於王都不亡何待注正義曰鄭語云黎為高辛氏火正

命之曰祝融其後八姓昆吾為夏伯楚世家云顓頊
生稱稱生卷章卷章生黎黎為高辛氏火正共工氏
作亂帝使黎誅之而不盡帝誅黎使其弟吳回居火
正為祝融回生陸終終生子六人坼剖而產焉其長
曰昆吾虞翻曰昆吾為己姓封昆吾世本云昆吾者
衛是也然則昆吾國名言昆吾夏伯者以表昆吾國
君其上世嘗為夏伯其惡熟誅者非此為伯之身當
是後世之孫耳詩云韋顧既伐昆吾夏桀共桀同文
又傳云乙卯亡知以乙卯日與桀同時誅○三月曹平公卒注為下會葬

見原伯起本○夏五月火始昏見注火心星音義見賢

遍反丙子風梓慎曰是謂融風火之始也注東北曰融

風融風木也木火母故曰火之始疏

注正義曰東北曰融風易緯作

調風俱是東北風一風有二名東北木之始故融風為木也木是火之母火得風而盛故融為火之始

七日其火作乎注從丙子至壬午七日壬午水火合

之日故知當火作戊寅風甚壬午大甚疏

正義曰甚者益盛之

言也丙子初風連日不息至戊寅而風益盛至壬午而風又大盛初言融風是東北風也蓋自丙子至壬午風不迴而稍益盛傳雖主言魯國之風彼四國亦當然也

宋衛陳鄭皆火梓慎

登大庭氏之庫以望之注大庭氏古國名在魯城內

魯於其處作庫高顯故登以望氣參近占以審前年

之言音義

大甚本或作火甚處昌慮反下祭處同故登以望氣本或作以望氛氣

疏

注正

義曰大庭氏古天子之國名也先儒舊說皆云炎帝
號神農氏一曰大庭氏服虔云在黃帝前鄭玄詩譜
云大庭在軒轅之前亦以大庭為炎帝也對文則藏
馬曰廐藏車曰庫曲禮云在府言府在庫言庫鄭玄
云府謂寶藏貨賄之處庫為車馬兵甲之處又大學
云未有府庫財非其財者則庫亦藏財貨非獨車馬
甲兵也古之大庭當都於魯其虛在魯城內魯於其
處作庫而其地高顯故梓慎登之以望氣梓慎往年
言其將火今更望氣參驗近占以審己前年之言信
也梓慎所望望天氣耳非能望見火也而何休難云
宋衛陳鄭去魯皆數千里為登高以見其火豈實事
哉劉炫云案左傳不言望火何以言見其火玄卿以
為孔子登泰山見吳門之白馬離婁觀千里之毫末
梓慎既非常人何知不見數百里之煙火孔子在陳
知桓僖災者豈復望見之乎若見火知災則人皆知
之矣何所貴乎梓慎左氏傳而編記之哉且四國去

魯纔數百里而何休云數千里雖意欲其遠亦虛妄
之極梓慎所望自當有以知之不知見何氣知其災
也服虔云四國次有火氣也梓慎不言夜望安知
望次陳獨無次何所望哉今以為服解義或然也曰
宋衛陳鄭也數日皆來告火注言經所以書音義

數所

主禪竈曰不用吾言鄭又將火注前年禪竈欲用瓘

瓘穰火子產不聽今復請用之音義

穰如羊反復扶又反下同鄭

人請用之注信竈言子產不可子大叔曰寶以保民
也若有火國幾亡可以救亡子何愛焉子產曰天道
遠人道邇非所及也何以知之竈焉知天道是亦多

言矣豈不或信注多言者或時有中音義

幾音祈又音機下同

竈焉於虔反中丁仲反

遂不與亦不復火注傳言天道難明雖

裨竈猶不足以盡知之鄭之未災也里析告子產曰

將有大祥注里析鄭大夫祥變異之氣音義

析星厯反大祥

或作火疏

正義曰祥者善惡之徵中庸云國家將興必有預祥祥則吉祥也國家將亡必有妖

祥非也

孽孽則凶祥也則祥是善事而里析以民動國亡為

大祥者彼對文言耳書序云毫有祥桑穀共生于朝

五行傳云時有青青祥白青白祥之類皆以

惡徵為祥是祥有善有惡故杜云祥變異之氣民震

動國幾亡吾身泯焉弗良及也注言將先災死音義

泯面忍反疏

正義曰良是語辭史傳多云良所未悟先悉薦反良有以也是古今共有此語也而服虔

云弗良及者不能及也良能也能非良之訓妄言耳

國遷其可乎子產曰雖可

吾不足以定遷矣注子產知天災不可逃非遷所免

故託以知不足音義

知音

及火里析死矣未葬子產

使輿三十人遷其柩注以其常與己言故音義

輿音餘柩

其又反

火作子產辭晉公子公孫于東門注晉人新來

未入故辭不使前也疏

注正義曰下云出新客禁舊客勿出於宮此辭于東門明

是晉人新來未入故辭之不使前也此新來蓋聘使也晉人往因驪姬之難詛無畜羣公子故文襄之世

公子皆出在他國自成公更立公族國內始有公子故使之來聘也自晉適鄭當入西門而辭之東門者鄭城西臨洧水其西無門蓋使司寇出新客注新來從東門入為便故辭于東門

聘者禁舊客勿出於宮注為其知國情不欲令去音

義為于偽反使子寬子上巡羣屏攝至于大宮注二

子鄭大夫屏攝祭祀之位大宮鄭祖廟巡行宗廟不

得使火及之音義

行下孟反下文行火下注復行同

疏注正義曰子

世族譜子寬與游速渾罕為一人駟帶字子上六年死矣此別有子上非駟帶也世族譜雜人內有子上無子寬明子寬與渾罕為一人也楚語說事神之禮云使名姓之後能知犧牲之物彝器之量屏攝之位

壇場之所而心率舊典者為之宗知屏攝是祭祀使之位也鄭衆云攝攝束茅以為屏蔽其事或當然使

公孫登徙大龜注登開卜大夫使祝史徙主柝於周

廟告于先君注柝廟主石函周廟厲王廟也有火災

故合羣主於祖廟易救護音義柝音石函音疏注正

咸易以豉反義曰

每廟木主皆以石函盛之當祭則出之事畢則納於函藏於廟之北壁之內所以辟火災也文二年傳云

鄭祖厲王故知鄭之周廟是厲王之廟也既有災皆

須防守故合羣主就於祖王廟易救護也衛次仲云

右主八寸左主七寸廣厚三寸穿中央達四方也范

甯云天子主長尺二寸諸侯主長一尺也白虎通云

納之使府人庫人各做其事注做備火也音義做音

西壁

疏

正義曰曲禮云在府言府在庫言庫皆是藏財賄之處故使其人各自儆守以防火也周官有大府

內府外府天府玉府泉府而無掌庫之官蓋府庫通言庫亦謂之府也諸侯國異政殊故府庫竝言也

商成公儆司宮注商成公鄭大夫司宮巷伯寺人之

官出舊宮人寘諸火所不及注舊宮人先公宮女音

義

寘之鼓反

司馬司寇列居火道注備非常也行火所燠

注燠炙也音義

燠許靳反

城下之人伍列登城注為部伍

登城備姦也疏

正義曰此承司馬司寇之下亦是二官使之行火所炙欲令人救之也言

城下之人為部伍行列以登城明日使野司寇各保亦是司馬司寇之人備姦寇也

其徵注野司寇縣士也火之明日四方乃聞災故戒

保所徵役之人疏

注正義曰傳言野司寇則司寇之官在野周禮司寇屬官有縣士掌

野知野司寇是縣士也鄭玄縣士注云地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄焉言掌野者郊外曰野大總言之也獄居近野之縣獄在二百里上縣之縣獄在三百里上都之縣獄在四百里上如鄭此言采邑之民有獄則采地之官長各自斷之若公邑之民有獄則縣士斷之縣士司寇屬官所掌在野故此傳謂之野司寇也縣士職曰各掌其縣之民數而聽其獄訟若邦有大後聚衆庶則各掌其縣之禁令則諸侯縣士亦當然也縣士分在四方不聞火火之明日四方乃聞有災故戒

使各保其所應受徵役之人皆令
具備以待上命慮有所須當徵之
郊人助祝史除於

國北注為祭處於國北者就太陰禳火疏

正義曰周禮鄉在郊

內遂在郊外諸侯亦當然郊人當謂郊內鄉之人也
祝史掌祭祀之官也使此鄉人助祝史除地在城之

北作壇場為祭處也就國北者
南為陽北為陰就太陰禳火也禳火于玄冥回祿注

玄冥水神回祿火神音義

冥亡丁反

疏

注正義曰月令冬云其神玄冥知玄

冥水神也周語云夏之亡也回祿信於黔隧先儒注

左傳及國語考皆云回祿火神或當有所見也二十

九年傳脩及熙為玄冥則玄冥祭脩熙不知回祿祭

何人楚之先吳回為祝融或云回祿即吳回也祭水

神欲令水抑火祭火神欲令

火自止禳其餘災慮更火也祈于四鄩注鄩城也城

積土陰氣所聚故祈祭之以禳火之餘災音義

郈音容

書焚室而寬其征與之材注征賦稅也音義

稅始銳反

三

日哭國不市注示憂戚不會市使行人告於諸侯宋

衛皆如是陳不救火許不弔災君子是以知陳許之

先亡也注不義所以亡疏

正義曰哀十七年楚滅陳也定六年鄭游速帥師滅

許其後復立許悼公之孫成是為元公其子結元年獲麟之歲也當戰國首為楚所滅

○六月

郈人藉稻注郈姓國也其君自出藉稻蓋履行之

音義

云音

疏

注正義曰郈為姓世本文也周之六月夏之四月種稻之時其君自出觀行

之藉猶藉蹈藉踐履之義故為履
行之服虔云藉耕種於藉田也
邾人襲邾邾人將

閉門邾人羊羅攝其首焉注斬得閉門者頭疏

正義曰攝

訓為持也斬得閉門者首而持其頭

遂入之盡俘以歸邾子曰余無歸

矣從帑於邾邾莊公反邾夫人而舍其女注為明年

宋伐邾起音義

俘芳夫反帑音奴

疏

正義曰言止舍其女而留之

○秋葬

曹平公往者見周原伯魯焉注原伯魯周大夫與之

語不說學歸以語閔子馬閔子馬曰周其亂乎夫必

多有是說而後及其大人注國亂俗壞言者適多漸

以及大人夫人在位者音義

說學音悅以語魚據反

大人患失

而惑又曰可以無學無學不害注患有學而失道者

以惑其意不害而不學則苟而可注以為無害遂不

學則皆懷苟且於是乎下陵上替能無亂乎夫學殖

也不學將落原氏其亡乎注殖生長也言學之進德

如農之殖苗日新月益音義

替他計反殖時力反長丁丈反疏曰正義

室其將亂乎夫其國內之人必多有是不說學問之
說也國內多有此言而後流傳及其在位之大人夫
人謂公卿大夫也大人患其國內有多學而失其道
者而疑惑於此言謂此言有道理也大人於是又為

言曰其實可以無學無學不為害也以為無害而遂不學則苟且而可也一國之人皆懷苟且不識上下之序不知尊卑之義於是在下者陵侮其上在上者替廢其位上下失分能無亂乎夫學如殖草木也令人日長日進猶草木之生枝葉也不學則才知日退將如草木之隊落枝葉也原氏其亡滅乎○七

月鄭子產為火故大為社注為治也音義為火故于

為菟被禳於四方振除火災禮也注振棄也音義被

同佛反徐疏正義曰祭社有常而云大為社者此非常音廢祭之月而為火特祭蓋君臣肅共禮物備

異大於常祭故稱大也周禮女巫巫掌被除釁浴禳皆除凶之祭徧於四方之神如尚書咸秩無文苟可祭者悉皆祭之所以振訊除去乃簡兵大菟將為菟火災禮也嫌多祭非禮故禮之

除注治兵於廟城內地隘故除廣之子大叔之廟在

道南其寢在道北其庭小注庭菟場也音義場直疏

長反

正義曰鄭簡公之卒將為葬除亦欲毀游氏之廟則

居處狹隘故廟在道南寢在過期三日注處小不得

一時畢音義處昌疏正義曰此量其庭之大小而豫

欲除道使闊望及期得了使除徒陳於道南廟北曰

亦不知本期當幾日也子產過女而命速除乃毀於而鄉注而女也毀女所

鄉音義

女音汝注同鄉許亮反本又作向注同

子產朝注朝君過而怒

之注怒不毀除者南毀子產及衝使從者止之曰毀

於北方注言子產仁不忍毀人廟音義

衝昌容反從才用反

火

之作也子產授兵登陴子大叔曰晉無乃討乎注辭

晉公子公孫而授兵似若叛晉音義

陴婢支反

子產曰吾

聞之小國忘守則危況有災乎國之不可小有備故

也既晉之邊吏讓鄭曰鄭國有災晉君大夫不敢寧

居卜筮走望不愛牲玉音義

守手又反一音如字

疏正義曰言為鄭卜筮

何故有災宜禱何神奔走而望祭之祭山川故為望也莊二十五年傳云天災有幣無牲而云不愛牲玉

者天之見異非求人飲食隨時告請則有幣無牲若祭求弭災者則當有牲雲漢之時美宣王為旱禱神云靡愛斯牲圭璧既卒亦是用牲玉也鄭之有災寡君之憂也今執事

惓然授兵登陴注惓然勁忿貌音義

惓遐板反疏注勁吉政反正

義曰服虔云惓然猛貌也方言云惓猛也晉魏之間曰惓杜言勁忿貌亦是猛也但述晉人責鄭之意故以勁忿解之將以誰罪疏正義曰將以誰為罪而欲授兵疑其畏晉襲之欲禦晉擊之

邊人恐懼不敢不告子產對曰若吾子之言敝邑之災君之憂也敝邑失政天降之災又懼讒慝之間謀

之以啟貪人荐為敝邑不利注荐重也音義

恐丘勇反慝他

得反間間廁之間存在以重君之憂幸而不亡猶可

建反重直用反下文同說也注說解也不幸而亡君雖憂之亦無及也鄭有

他竟望走在晉注言鄭雖與他國為竟每瞻望晉歸

赴之音義

竟音境

疏

正義曰其所瞻望奔走而歸之者唯在晉耳

既事晉矣

其敢有二心注傳言子產有備疏

注正義曰國有災懼被人襲登陴固

守是有備也

○楚左尹王子勝言於楚子曰許於鄭仇敵

也而居楚地以不禮於鄭注十三年平王復遷邑許

自夷還居葉恃楚而不事鄭疏

正義曰當時許都於葉釋例土地名葉在

楚界許本偪於鄭請遷近楚楚以葉與之故為居楚地注正義曰案十二年云楚師之滅蔡也靈王遷許胡沈道房申於荆則許從夷遷向荆也平王復之當從荆却向夷自夷向葉注不言自荆還葉者蓋以許遷于夷見經故據以晉鄭方睦鄭若伐許而晉助之為言其實自荆遷也

楚喪地矣君盍遷許許不專於楚注自以舊國不專

心事楚音義

喪息浪反疏注正義曰劉炫云當時許盍戶臘反

舊國不事楚當以畏鄭之故外設備禦不得專心事楚耳今杜必以為舊國不專心事楚者以此傳許謂鄭人云余舊國許畏於鄭尚以舊國不肯事鄭明以舊國亦不專心事楚劉以為畏鄭不專心事楚苟背傳文而規鄭方有令政許曰余舊國也注許先鄭封杜氏非也

音義

先悉
薦反

鄭曰余俘邑也注隱十一年鄭滅許而復

存之故曰我俘邑音義

復扶
又反

葉在楚國方城外之蔽

也注為方城外之蔽障音義

障章
亮反

土不可易注易輕

也音義

易以
鼓反

國不可小注謂鄭許不可俘讎不可啟

君其圖之楚子說音義

說音
悅

冬楚子使王子勝遷許

於析實白羽注於傳時白羽改為析音義

析星
歷反

經十有九年春宋公伐邾注為邾音義

為子
偽反

夏五月戊辰許世子止弑其君買注加弑者責止不舍

藥物音義

弒音試
舍音捨

疏

注正義曰案傳許君飲止之藥而卒耳實非止弒也言書曰弒其君

則仲尼新意書弒也實非弒而加弒者責止事父不舍其藥物言藥當信醫不須己自為也釋例曰醫非三世不服其藥古之慎戒也人子之孝當盡心富禱而已藥物之齊非所習也許止身為國嗣國非無醫而輕果進藥故罪同於弒雖原其本心而春秋不赦其罪蓋為教之遠防也

地震注無傳

秋齊高發帥師伐莒

冬葬許悼公注無傳

傳十九年春楚工尹赤遷陰于下陰注陰縣今屬南

鄉縣令尹子瑕城邾叔孫昭子曰楚不在諸侯矣其
僅自完也以持其世而已注遷陰城邾皆欲以自完

守音義

邾古洽反僅音覲持如字
本或作恃怙之恃非也

○楚子之在蔡也

注蓋為大夫時往聘蔡疏

注正義曰賈逵云楚子在
蔡為蔡公時也杜以楚子

十一年為蔡公十三年而即位若在蔡生子唯十二
歲耳未堪立師傅也至今七年未得云建可室矣故

疑為大夫邾陽封人之女奔之生太子建注邾陽蔡
時聘蔡也

邑音義

邾古
間反

及即位使伍奢為之師注伍奢伍舉之

子伍員之父音義

員音
云

費無極為少師無寵焉欲譖

諸王曰建可室矣注室妻也音義

少詩照反

王為之聘於

秦無極與逆勸王取之正月楚夫人羸氏至自秦注

王自取之故稱夫人至為下拜夫人起音義

王為子偽反注

同與音預羸音盈

○鄆夫人宋向戌之女也故向寧請師注

寧向戌子也請於宋公伐邾音義

向傷亮反戌音恤

二月宋

公伐邾圍蟲三月取之注蟲邾邑不書圍取不以告

音義

蟲直疏注正義曰隱四年莒人伐杞取牟婁僖中反疏注二十三年齊侯伐宋圍緡伐國而圍邑

取邑皆書於經知此不書圍取不以告也

乃盡歸鄆俘○夏許悼公瘞五

月戊辰飲太子止之藥卒注止獨進藥不由醫音義

瘡魚畧疏

注正義曰言飲太子止之藥專以反病也疏注正義曰言飲太子止之藥專以

太子奔

晉書曰弑其君君子曰盡心力以事君舍藥物可也

注藥物有毒當由醫非凡人所知識止不舍藥物所

以加弑君之名音義

舍音捨下注舍于同疏正義曰此君子論

臣子盡心盡力以事君父如禮記文王世子之為即自足矣如此則舍去藥物已不干知於禮可也此許世子不舍藥物致令君死是違人子之道故春秋書其弑君解經書弑君之意也○邾人郕

人徐人會宋公乙亥同盟于蟲注終宋公伐邾事音

義鄉五○楚子為舟師以伐濮注濮南夷也音義濮

卜疏正義曰費無極因此生意令王收南方使太子居城父舉此為發端費無極言於

楚子曰晉之伯也邇於諸夏而楚辟陋故弗能與爭

若大城城父而寘太子焉注城父今襄城城父縣音

義伯音霸又如字夏戶雅反辟匹亦反父音甫寘之豉反以通北方王收南方

是得天下也王說從之故太子建居于城父令尹子

瑕聘于秦拜夫人也注為明年譜太子張本故以為

夫人遣謝秦音義說音○秋齊高發帥師伐莒注莒

不事齊故莒子奔紀障注紀障莒邑也東海贛榆縣

東北有紀城音義

障音章贛古弄反如淳音耿奔反榆音俞

使孫書伐之

注孫書陳無字之子子占也初莒有婦人莒子殺其

夫已為嫠婦注寡婦為嫠音義

嫠力之反本又作嫠

及老託於

紀障紡焉以度而去之注因紡纊連所紡以度城而

藏之以待外攻者欲報讎音義

紡芳往反度待洛反注同去起吕反裴松

之注魏志云古人謂藏為去案今疏正義曰紡謂紡
關中猶有此音纊力吳反麻縷也麻作纊也此婦
人以麻纊度城高下令長與城等而去藏之去即藏
也字書去作弃羗莒反謂掌物也今關西仍呼為弃

東人輕言為去音莒劉炫云紡謂紡麻作纊為布作
纊之法有小繩紀其升縷纊既為布繩無所用婦人
不肯棄之積而留之以此小繩度城而去之注正義
曰連所紡者謂連所紡之纊以為繩故下云投繩城
外或解以連紀纊之繩然紀纊之繩其物細小而短
何可以度城婦人意欲報讎故藏纊以為繩故杜云
連所紡所及師至則投諸外注投繩城外隨之而出
紡即纊也

疏

注正義曰傳言投諸外者當是繫繩城上而投其
所垂於外婦人則隨之而出劉炫云唯投繩城外

婦人不出今知不然者婦人既託於縋登則是愛惜
身命若投繩不去身則交死若唯繫繩城上則身不
離城何得言獻諸子占明知將此婦人而獻之子占
師則因繩在城而夜縋登焉劉以為唯投城外而規
杜氏或獻諸子占子占使師夜縋而登注縋繩登城
非也

音義

緹直
偽反

登者六十人緹絕師鼓譟城上之人亦譟

莒共公懼啟西門而出七月丙子齊師入紀注傳言

怨不在大音義

譟素報反城上之人亦譟一本作上之人亦譟共音恭

疏

正義曰此

紀即上紀鄆也釋例土地名於莒地有紀鄆紀二名東海贛榆縣東北有紀城

○是歲也鄭

駟偃卒子游娶於晉大夫生絲弱注子游駟偃也弱

幼少音義

少詩
照反

其父兄立子瑕注子瑕子游叔父駟

乞疏

注正義曰案世本子游子瑕竝公孫夏之子杜云叔父未詳

子產憎其為人

也注憎子瑕且以為不順注舍子立叔不順禮也弗

許亦弗止注許之為違禮止之為違衆故中立駟氏

聳注聳懼也音義

聳息勇反疏注正義曰釋詁云竦

他日

絲以告其舅冬晉人使以幣如鄭問駟乞之立故駟

氏懼駟乞欲逃子產弗遣請龜以卜亦弗予大夫謀

對子產不待而對客曰鄭國不天注不獲天福寡君

之二三臣札瘥夭昏注大死曰札小疫曰瘥短折曰

夭未名曰昏音義

札側八反一音截字林作𠂔壯列反云夭死也瘥才何反字林作𠂔

夭於表反昏如字疫音役

疏

注正義曰此皆賈逵言也周禮大司樂云大札令弛縣鄭玄云札疫癘也

是札大疫死也爾雅云瘥病也以此說死事而與札相對故解云小疫也成二年傳說鄭靈公早死云天子蠻是天為少死也尚書六極一曰凶短折孔安國云短未六十折未三十是短折為早死之名故為夭也子生三月父名之未名之曰昏謂未三月而死也未名不得為臣總說諸死連言之耳今又喪我先大夫偃其子幼弱其一二父兄懼隊宗主私族於謀而立長親注於私族之謀宜立親之長者音義喪息浪反隊直類疏正義曰大夫繼世為一宗之主反長丁丈反注同疏恐隊失之也服虔云柘主藏於宗廟故曰宗主少牢饋食大夫禮也大夫無主何所隊乎寡君與其二三老曰抑

天實剝亂是吾何知焉注言天自欲亂駟氏非國所

知音義

剝邦角反

疏

正義曰二三老者鄭之卿大夫也服虔云二三老駟偃家臣上言私族於

謀而立長親豈得家臣不知也

諺曰無過亂門民有兵亂猶憚過之

而况敢知天之所亂今大夫將問其故抑寡君實不

敢知其誰實知之平丘之會注在十三年音義

諺音彥過

古禾反下同一音古卧反憚待旦反

君尋舊盟曰無或失職若寡君之

二三臣其即世者晉大夫而專制其位是晉之縣鄙

也何國之為辭客幣而報其使晉人舍之注遣人報

晉使音義

使所吏反注同

○楚人城州來沈尹戌曰楚人必

敗注十三年吳縣州來今就城而取之戍莊王曾孫

葉公諸梁父也音義

戍音恤葉始涉反

昔吳滅州來注在十

三年子旗請伐之王曰吾未撫吾民今亦如之而城

州來以挑吳能無敗乎侍者曰王施舍不倦息民五

年可謂撫之矣音義

旗音其挑徒了反

疏

正義曰平王以十三年五月始即位

其年兵亂未息今歲又後民城州來其間唯有五年

戍曰吾聞撫民者節用於

內而樹德於外民樂其性而無寇讎今宮室無量民

人日駭勞罷死轉注轉遷徙也音義

樂音洛罷音疏皮本或作疲

正義曰性生也兵革竝起則民不樂生國家和平則樂生

忘寢與食非撫之也注

傳言平王所以不能霸○鄭大水龍鬪于時門之外

洧淵注時門鄭城門也洧水出滎陽密縣東南至潁

川長平入潁音義

洧于軌反

國人請為滎焉音義

滎為命反

疏

正義曰滎祭名元年傳曰山川之神則水旱癘疫之不時於是乎滎之

子產弗許曰我

鬪龍不我覲也注覲見也音義

覲大歷反見賢遍反

龍鬪我獨

何覲焉禳之則彼其室也注淵龍之室吾無求於龍

龍亦無求於我乃止也注傳言子產之知音義

知音智

疏

正義曰言禳之則彼淵是其室也其室既近禳之不難但吾無求於龍龍亦無求於我乃止也言其

不復祭

○令尹子瑕言蹶由於楚子注蹶由吳王弟五

年靈王執以歸音義

蹶九衛反

曰彼何罪諺所謂室於怒

市於色者楚之謂矣注言靈王怒吳子而執其弟猶

人忿於室家而作色於市人疏

正義曰室內於自家相嗔怒市於他人作

色忿舍前之忿可也乃歸蹶由注言楚子能用善言音

義

舍音捨又音赦

春秋左傳注疏卷四十八

春秋左傳注疏卷四十八考證

傳唯正月朔慝未作日有食之於是乎伐鼓用幣禮也
其餘則否大史曰在此月也○漢書五行志引此傳
劉歆說曰正月謂周六月夏四月正陽純乾之月也
慝謂陰爻也冬至陽爻初起故曰復至建巳之月為
純乾亡陰爻而陰侵陽為災重故伐鼓用幣責陰之
禮

傳故夏書曰辰不集于房○劉歆曰夏書乃季秋月朔

非正陽之月詩十月之交朔日辛卯日有食之亦孔之醜然則古人不獨以正月日食為醜矣傳所言未可信也

臣照

按日食乃天行一定之度數與昏旦中

星無以異也星官推步可以不爽銖黍而自古重以為災者何歟或曰古人算法疎濶不知其為一定自夏書以來傳以為災中庸曰雖聖人有所不知焉此之謂矣或曰聖人未始不知日食之有定期也辟之壽命修短不因疾病與否而父母有疾未有不憂之

理故明知日食之有定期而不得不以為災焉孔子作春秋但記何年何月日食而無明訓其故不可得而知矣

傳昭子問焉曰少皞氏鳥名官何故也○臣召南按魯是少皞之墟鄭又少昊之裔故問之

又注少皞金天氏黃帝之子已姓之祖也○臣浩按此注則鄭國姓已與芑為同姓矣

傳太皞氏以龍紀故為龍師而龍名疏包犧氏之王天

下也即太皞太皞身號伏犧代號也○監本脫太皞二字今添

傳伯趙氏司至者也疏此鳥以夏至來冬至去○去上監本衍一止字今刪

傳鵲鳩氏司事也注鵲鳩鵲鳩也○各本俱誤作鵲鳩也爾雅釋鳥云鵲鳩鵲鳩非鳩類今據爾雅改正傳五雉為五工正疏南方曰蜀○各本俱訛作南方曰翟疏引爾雅釋鳥不得改其文也今改正蜀音僇

傳自顓頊以來不能紀遠○臣召南按南正北正及勾

芒祝融后土蓐收元冥之官分掌木火土金水皆始於高陽氏所謂命以民事也

傳冬有星孛于大辰西及漢○臣召南按俗讀有星孛

于大辰為句西及漢為句非也當以有星孛于大辰西為句注疏甚明又按漢書五行志引此傳劉歆說曰大辰房心尾也八月心星在西方孛從其西過心東及漢也

傳申須曰○五行志引此作申繻

傳宋大辰之虛也陳太皞之虛也鄭祝融之虛也○五行志注師古曰虛讀皆曰墟

傳其星為大水○臣召南按心為大火書傳多用之營

室為大水見於此文而已

傳水火所以合也○五行志注張晏曰水以天一為地二牡丙與午南方火也子及壬北方水也又其配合
邾人入郕○林堯叟曰邾小國姒姓禹之後臣召南按

杜注言妘姓是也林說非

傳丙子風梓慎曰是謂融風○五行志注張晏曰融風
立春木風也淮南子曰東北曰炎風高誘以為艮氣
所生也炎風一名融風七日其火作乎丙子至壬午
既其配合之日又火以七為紀

傳使子寬子上巡羣屏攝疏鄭衆云攝攝束茅以為屏
蔽其事或當然○臣浩按疑當作屏攝束茅以為屏
蔽各本俱兩攝字相連疑誤

傳六月邠人藉稻疏服虔云藉耕種於藉田也○趙汸

補注曰國語宣王不藉千畝下云及藉膳夫農正陳

藉禮王耕一墦則藉者耕種藉田之名記云天子田

藉千畝諸侯百畝則諸侯比天子特多寡不同而已

其禮則一此但言藉稻者如周禮掌稼下地者但名

稻人舉一以包其餘也舊說誤以藉為藉蹈又轉為

履行學者疑之遂引此為周不改月之証不以服說

考之故也

傳原氏其亡乎○王應麟曰周之衰也自原伯魯之不
說學秦之亡也自子楚之不習誦

傳被禳于四方振除火災疏所以振訊除去火災○臣

浩

按振訊應作振迅各本俱誤作訊

春秋左傳注疏卷四十八考證

謹案第二頁後八行注謂上公刊本監本毛本謂訛請據宋本改

第八頁後三行疏青鳥鷦鷯諸本鳥訛為據宋本改

第二十二頁後八行疏晉人往因驪姬之難刊本驪訛麗今改

第二十八頁前八行疏而云不愛牲玉者諸本而云訛作若祭據宋本改

第二十九頁前七行注十三年訛作十五年今改
第三十五頁前六行疏恐隊失之也刊本也訛以

今改



覆校官編修臣項家達

校對官檢討臣郭寅

膳錄監生臣劉垠